

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 407012 21 St
Tuzla, 30.09.2021. godine

OPĆINSKI SUD U TUZLI, sudija Ilvana Delić, u postupku predhodnog ispitivanja prijedloga za otvaranje stečajnog postupka nad dužnikom „SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han, dana 30.09.2021. godine donio je slijedeće,

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han.

Za privremenog stečajnog upravnika imenuje Maja Musemić dipl.ecc iz Tuzle.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku,

stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla, radi upisa zabilježbe otvaranja prethodnog postupka.

O b r a z l o ž e n j e

„**SABCOM“ d.o.o. Tuzla**, kao dužnik podnio je dana 30.08.2021. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, dana 20.09.2021. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „**SABCOM“ d.o.o. Tuzla**, je dana 30.09.2021. godine dostavio sudu dokaz o uplati predujmljenih sredstava za finansiranje prethodnog postupka u iznosu od 2.000,00 KM.

Na osnovu priložene dokumentacije i to: Prijedlog za otvaranje stečaja od 30.08.2021. godine, rješenje upisa društva u sudski registar od 07.05.2007. godine, rješenje registra suda u Tuzli-utvrđuje se prestanak od 06.08.2012. godine, karton deponovanih potpisa kod NLB banke od 04.06.2007. godine, bilans uspjeha za period od 01.01.2020 do 31.12.2020. godine, bilans stanja na dan 31.12.2020. godine, bilans uspjeha za period od 01.01.2019. do 31.12.2019. godine, rješenje o naplati porezne obaveze iz imovine poreznog obveznika od 07.01.2015. godine, uplata predujma za finansiranje prethodnog postupka u iznosu od 2.000,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 20.09.2021. godine, zakonski zastupnik društva Nuriya Begić izjavio je da u cijelosti ostaje kod prijedloga za otvaranje stečajnog postupka nad imovinom društva „**SABCOM“ d.o.o. Tuzla**, navodeći da društvo ne radi od 06.08.2012. godine kada je doneseno rješenje o prestanku rada društva. Zakonski zastupnik naveo je da društvo nema imovine te da su računi društva ugašeni. Dugovanja društva sastoje se od duga Poreznoj upravi u iznosu od preko 15.000,00 KM.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Ilvana Delić

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.